


Poslanikova veličina iz perspektive Vitkora Igoa



IRIB- Viktor Igo je bio upućen u kulturu i tradiciju islama. Njegovo sricanje pjesme "Deveta godina Hidžre" nam govori kako je bio dobro upoznat sa životom Poslanika. Igoovo veličanje i poštovanje, koje je iskazivao prema Islamskom poslaniku je zaista impresivno!

Hazreti Muhamed je najveća ličnost islamske historije i vođa čovječanstva prema svjetlosti. On je svijet usmjerio iz nevjere i zablude prema prijateljstvu i znanju. To je bio dobar razlog da njegov život bude stoljećima analiziran i istraživan. Naravno, neprijatelji islama su uvijek nastojali da okaljaju časno poslaničko ime. Između 16. i 18. stoljeća u Evropi je ovaj poslanik bio vrijedan i nepoželjan. Od 18. stoljeća počinje realnije gledanje, dok je u sljedećem stoljeću počelo ozbiljno sagledavanje njegove globalne misije.

Bartolomju Sen Hailar, političar i prevodilac Aristotelovih dijela je sredinom 19. stoljeća napisao: "Muhamed je bio najpametniji, najreligiozniji i najfiniji Arap svog vremena. On je svoju imperiju sagradio na duhovnosti. Vjera koju je on promovirao je bila veliki dar narodu."

Treba reći da do 19. stoljeća u Evropi nije bilo nikakvog pokušaja da se islam shvati, a i najmanja naznaka takvog pokušaja nailazila je na otpor. Naučne promjene i dostignuća su doveli do nove perspektive sagledavanja islama, dok je 20. stoljeće novo doba za islam u Evropi. Naučnici su tada nastojali da putem nauke, historije i psihologije objasne islam.

Emil Dermengem pisac knjige "Muhamedov život i islamski sunnet" u uvodu svoje knjige piše: "Do danas niko nije posumnjao u postojanje Islamskog poslanika i ja nastojim napraviti stvaran i realan izvještaj o njegovom životu. Ovaj izvještaj je sačinjen od direktnih informacija iz

arapskih izvora."

Analiziranje poslanikovog života i religije nije striktno povezano sa određenom grupom, dakle, nisu samo naučnici i pisci obraćali pažnju na njegov život. No, svakako da su tu prednjačili pjesnici i književnici. Tako je Alfons Dalamartin u svojoj knjizi iz 1854. godine cijelo jedno poglavlje posvetio Muhamedu a.s.

Viktor Igo je takođe jedan od spisatelja koji su poklonili pažnju Islamskom poslaniku. Svi su čuli za ovog velikana pisane riječi, ali malo ko zna da je pomenuti autor jednu pjesmu pod nazivom "Deveta godina Hidžre" posvetio Muhamedu s.a.v.s.

Viktor Igo je bio upućen u kulturu i tradiciju islama. Njegovo sricanje pjesme "Deveta godina Hidžre" nam govori kako je bio dobro upoznat sa životom Posalanika. Igoovo veličanje i poštovanje, koje je iskazivao prema Islamskom poslaniku je zaista impresivno! Djelo "Deveta godina Hidžre" je prevedeno od strane Vide Ramina a uredio ga je Dževad Muhakik. U nastavku priloga donosimo vam i nekoliko strofa...

Viktor Igo je u oom impresivnom djelu nastojao da dočara sveto i duhovno lice Islamskog poslanika te ispravi pogrešno tumačenje koje je tada vladalo u Evropi. Igo piše:

Kao da je bio Nuh i znao je tajne kiša i poplava
bio je pravednik kod kojeg bi ljudi
rješavali sporove

dozvoljavao je da mu jedan sudi, a drugi poriče i niječe

Lijep karakter, topao govor, moral, ljubaznost i slične karakteristike su krasile islamskog poslanika Muhameda. On je imao prijatan i zanimljiv govor. Njegovo svijetlo lice je bilo dar od Boga. Jednostavan život među ljudima je bila njegova istaknuta vrlina. Viktor Igo to opisuje na sljedeći način:

Toliko je bio veličanstven i dojmljiv da to niko nije poricao
kada je išao putem, svi bi prolaznici pozdravljali
on je toplo odgovarao
čelo mu je bilo izduženo a obrazi istaknuti
imao je tanke obrve i prodoran pogled
malo se hranio i nekada bi od gladi malaksao
sam je muzao svoje ovce
kao siromasi je sjedio na zemlji
i prao je svoju odjeću

Kako stoji u islamskoj mistici, Božija svjetlost je preko poslanika Muhameda s.a.v.s obasjala ovaj svijet i nije ograničena na vrijeme i mjesto. To je krenulo od hazreti Adema i završilo kod

Muhameda. Poslanik islama je okončao Božiju objavu jer je on Posljednji poslanik. Igo zato piše:

Kada je zakoračio u život
pojavi se zvijezda na nebu

Među osobenostima Božijeg poslanika su bili razmišljanje i promišljanje po pitanju Božijih uputa. On je mnogo vremena provodio u pećini Hira i molio se. Igo nastavlja:

Kao da je vidio džennet i ljubav
budućnost i prošlost
više je šutio i slušao
bio je posljednji koji je govorio
uvijek je bio u molitvi

Poklon 23-godišnjeg poslanikovog truda je bio širenje monoteizma. On je utemeljio čisto i ravnopravno društvo. Poklonio je ljubav i prijateljstvo čovječanstvu i donio svete ajete Kur'ana.

On je prenijeo Kur'an i kazao:
Samo je Bog koji ostaje i Jedini je!
Nema boga, osim jedinog Boga.

Ej ljudi, da je Božija volja ni ja ne bi znao i bio bi nevjernik.
Sigurno da je čovjek na bilo kojem putu, osim Božijem, zalutao!

Poslanik Muhamed s.a.v.s. je bio posljednja Božija isporuka. On je zaokružio i zapečatio poruku. Viktor Igo zapisuje od Muhameda:

Ja sam riječ iz Božijih usta
poput poslanika, topao i svjetlosan
poput jutra, koje nosi svjetlost
on je rođen od nevine majke
Merjemin sin sa toplim riječima
dječijim

ali ja sam snaga koja je upotpunila nepotpuno Isino svjetlo

Ljubav Viktora Igoa prema Poslaniku je rezultirala time da on posljednje trenutke Muhamedovog života opise na lijep i suptilan način. Igo napominje kako je on u zadnjim danima života zastavu islama predao Aliju a.s. te njegovu posljednju poruku prenosi na sljedeći način:

Pred miran spokoj nakon godina borbe
ispred mene je Bog, a iza svijet, koji je vaš
znam da je dio vas ovom pratnjom doživio patnju

ali sreća, pa ćete vidjeti svjetlo
povjerujte i molite se
bojte se Boga i klanjajte se Njemu
nemojte da ostanete sa druge strane zida
niko nije u potpunosti zaštićen od grijeha
pokušajte da ne zaslužite kaznu